

延安車氏世譜重刊序

我東士大夫家各修譜牒于以明系世卞宗支若其中淵源久遠名德炳琅則軒軒然自詡古家名族顧其風尚矣嶠南車生錫祐文華士也曾與余有舊日偕其族錫鵬抱其世乘來謁而請序於重刊譜牒曰公之左議政先祖伯仲叔季四公曾於生之華胄文節公雪冤錄撰進應製詩矣今茲車宗合譜願得一言重賁卷首庸申舊誼其懇甚摯余以老辭義亦難翹考其世德車氏之源發於黃帝傳至祖明東來爲檀君治民長鼻祖崛起於新羅貫鄉受封於高麗迄今一百三十餘世派系無缺昭穆不紊上下數

千百載軒冕輝赫廊廟相承逮夫雲巖先生姿稟冰玉學
敦易禮在勝國衛正斥佛入我朝罔僕翊儲不幸松麻
之禍噍類幾殄臧伯有後趙孤得全繼有剛烈公倡義討
賊仗節立殪錄勲繪像恩施田結七聖祖之褒馳
當寧朝之命旌爭耀日月昭垂竹帛五山公之父祖昆
季並捋韓杜歐蘇世謂之三世五文章沙村公及曾玄孫
扈駕表宅尊周攘夷人皆仰六節四義士間世名碩萃
於一門是故朴醉琴許眉叟諸先生尊慕揄揚具可傳後
至於世譜自從神光蕩燼之後覆巢顛粵流落漂泊而猶
懼先系或泯支族難辨旁求古蹟肅廟戊子修譜單卷

間歲續補尚憲遺佚 純廟壬戌稍作大譜編成十一冊
今已爲七十餘年之久矣雲仍益繁生卒相半車氏諸族
更加搜輯閱五六年編十八冊董工刊布是乃烈焰後大
同譜也時若有待豈不感哉嗟呼闕閱則三韓古族莫之
與京先烈則百世流芳史不勝書而顧今後承於南於北
通籍蜚英者低回於閑司漫職懷抱利器者棲遑於巖穴
草澤食報之應果安在哉然而否泰亨屯無往不復昔之
華顯旣如彼今之中微亦理也子之諸族屢不億祖先之
積累應未艾安知不匪久復蔚興巍然爲國中古家各族
之最也莊誦議政公詩篇諸君子序記文興感不已歷敘

顛委書以贈之

崇禎紀元後五己卯孟夏上澣輔國崇祿大夫判中樞
府事兼吏曹判書知經筵判義禁府事廣陵李宜翼

序

延安車氏世譜小記

車氏族譜余謂宜以朴醉琴筆雲巖雪寃記冠之編首母以他人序文爲也何者雲巖闕閱樹立在茲全車之世德家風不外焉雲巖所中之奇禍千古所罕聞於以見車氏中微之因雪寃之日龍樓之眷念至此一姓幘幪百世有餘雖有作者所言豈有出於此者哉况醉琴之筆一字一耀後千歲不可再得古人有言韓文公脚下非做文字地况生於東國敢泚筆於朴醉琴文下欲爲新說話則必其人不辨南北者奚以序爲或曰是則然矣在譜中者非盡雲巖裔孫若之何曰同祖一譜痛癢相關光耀不與之

同榮乎車氏不用吾言則已無已則所欲告於車氏者止

於此矣顓蒙大淵獻陬月己酉德陽人奇正鎮記

戊子譜序

族氏之有譜常尚也我東國偏小人皆以門戶輕重而不
及中華士族之傳其譜者鮮矣近來士大夫稍以修譜系
爲事余每喜聞而樂道焉車氏與余一般同宗之人在三
韓麗朝東方大族至諫議大夫雲巖先生車原頰爲門孽
被赤族之禍而略千餘孫各譜遠方入我朝以來至殘
爲庶幼學星老慨然出計遠近同宗收輯文蹟求財募工
將欲以記久請余以序辭不獲謹以一言贊之曰星老其
向心之道至矣盡矣雖地隔要荒其積善餘慶澤流後胤
則亦豈有二致也程夫子有言曰管攝人心敦厚風俗須
是明譜系立宗法誠使此譜中人沿波而求源自本而達

枝胥忠孝胥友睦以識名賢之姓氏則祖先其尚曰予有
後而不恥其於今爲庶而其餘民歸俗之所助豈淺哉抑
又難者夫以名卿顯位不爲無人而譜牒之行有未暇焉
今者星老一布之孤寒乃能成就著明如此其志行之勤
篤又烏可無言哉斯舉也闡揚世蹟爲主能之者星老也
可謂車氏之宗也夫

歲在丙戌八月 日

大匡輔國

崇祿大夫議政

府右議政柳尚運序

已丑譜序

車氏之先出於軒轅當夏時孔甲竊祖明避地東海至平壤日土山下居而稱王姓焉其後受兢事箕子布明教条後十二世有諱贄事朝鮮爲名臣二十有八世有孫曰廉事箕準爲上柱國又十三世蒙事新羅赫居世爲侍中一朝棄官入智異山變姓名曰車無一十七世濟能十六世至承穡其間大相十四世也憲德王彥昇之亂承穡與其子恭叔密圖匡復事泄遁儒州變姓柳氏自承穡五世至車達佐王氏有大功復姓車氏達子孝全與申崇謙卜智謙列爲功臣封延安君食邑千戶子孫爲延安車氏自孝全十九世至諫議原頰其間十八世宰相也先生原頰傷

王氏將亡退隱于平山水雲巖洞遼陽之役

康獻大

王就第訪之原頰泣諫時有進蔥之事一言悟聰大啓鴻

運暨登寶座感夢敬召以故舊來謁承輪傳之問有

先功之對臺苑冒雨飛菴談話今瑞葱臺其地也授正言

辭不肯康獻曰今嚴陵也忠清之節公正之心宜與圃

隱同其賸享彼河崙輦矯誣陰戕湛宗屏胤之禍慘哉子

安卿又自經子尚道竄而匿恭定朝伸其冤贈左贊

成莊獻朝有持教宥厥後惠莊朝命朴彭年撰雪冤

記儒臣四十八人應製詩足之又降旨訪遺孫於是

尚道長子繼生次子仲生賣于順興趙溟家嬰禍迹不

赴命末子仲連以幼穉告給料得壯命除官職身尚義

逃竄延喘仲連孫希胤文章學行著于世以進士中科官
結城縣監六世至渭載大鳴禮園中司馬筮初仕渭載子
亮徵詩格清雋有集行于世官至督郵亮徵子彥輔經學
舉進士先生原頴昂贊成堅質子云華立懂於李施愛之
亂 朝贈兵曹參判封迺川君後裔有登科仕宦者八路
車宗人亦多業文武若致力復舊闕非難矣先生後孫彥
輔與延川君後孫贊績三人俱派系浸遠而益疎仍舊牒
廣新鏡敦宗之意勤矣氏族上自新羅世至于高麗譜傳
於家者寡矣自箕子時至于今不失其世者尤寡矣獨車
氏自受兢歷羅麗 本朝譜不絕豈不美哉自古聖人所
以治天下者未嘗不本於親九族故堯鼓舞天下其本則

親九族也然大堯親仁之道非特躬行而已凡天下之莫
不承大堯之化以睦其族所謂百姓昭明也今車氏會通
世貫以盡親仁之道誠使一國士大夫皆如車氏則亦是
以章國家親仁之化嗚呼盛矣是爲序

崇禎紀元後三己丑六月 日 資憲大夫行弘文

館大提學長水黃景源序

壬戌譜序

車氏之貫延州自大匡伯孝全始在羅朝車爲大姓上祖
濟能之後十四世丞相門戶奕鳥爲喬木世家至恭叔值
國亂而逃變姓爲文化之柳大匡伯佐麗祖立大勳封延
安食邑千戶復其車姓子孫遂世籍焉在麗朝丞相茂綱
都揔制得珪左丞相蒲溫其寂大顯人也丞相孫諫議大
夫原頰見麗季政亂隱居土室沉潛玩蹟明於易學我
太祖當遼陽之役就而訪之諫議泣陳大義及太祖威
化回軍義聲聞於天下諫議之功居多焉太祖開國將
錄勳諫議辭曰世爲王氏臣義不可貳其心太祖以故
舊召至闕便服入對携至北苑以數升蔥子撒于雨中曰

昔予訪公破盡數盤青葱予苑之葱獨未餉公乎今瑞葱
臺是其址也 太祖從容詢建國本議諫議誦世亂先有
功以諷之因極言 太宗有大功遂長揖而歸鄭道傳河
崙等皆側目以蜚語誣陷不測之罪諫議與其兄叅政崇
頴侍中密頴密直崇質同時被殺遠近宗族皆被屠戮然
母弟贊成堅質贊成子兵馬使安耆等或竄死遠方諫議
家覆車氏大姓靡有子遺 恭定時命伸其冤贈爵贊成

世宗時賜諡

光廟初命集賢學士朴忠正成忠文諸

公諫議撰雪冤記頗詳未幾諸學士成其殺身之仁爲世
錮人記遂寢而不章輓近始梓行嗚呼大姓陵夷至四百
年雲仍淪落遐土與編戶異者幾希然往往聞人作能世

其姓大姓之後遺風餘烈猶有未泯而然耶兵馬使某云
革討李施愛亂被執不屈而死 贈官貳卿封延川君諫
議後天輅兄弟以文章大鳴侍中後慎軾當 宣廟西狩
之日迎謁路左扈駕至濟上補義州教授 宣廟感其純
孝 御筆立碑曰孝子車慎軾里教授後忠亮禮亮元轍
孟胤見 明室將傾日夜腐心之所黃忠烈公尹滂府聞
而高其秉義召見密圖屠藩及事泄藩使狎至同日被戮
於南宮前路夫諫議罔僕之志尊王之義固可炳彤管而
垂青史然四義士以屬國草莽之蹤為 天子隕首刀鉅
之下而不小懼雖百世之遠忠臣義士想其忠膽義勇必
為之慷慨流涕烏可以官位之不大顯而小之哉車氏譜

始成於 肅廟戊子重刊於 英廟己丑今又鋟行故家
世胄之綿亾蕃昌槩可知也又况科甲策名世有蜚英者
乎譜凡四十編四方車氏其麗不億而盖多諫議兄弟遺
孫云天道孔昭尤可驗也譜成日車氏諸宗當講葦卿花
樹之會以程夫子明譜系立宗法爲第一義以孝悌忠信
感發其柔彝懿德俾有興起則何憂乎大姓之不復振也
諫議苗裔榮殷褻寒邱其謁愈勤余實感其誠書以貽之
靡遑然榮殷孤摯寒邱其謁愈勤余實感其誠書以貽之
俾歸而勗其宗人

崇政大夫 原任禮曹判書兼知 經筵春秋館事藝

文館提學同知成均館事知 實錄事長洲黃昇源敘

延安車氏世系圖

姬氏世系第一編

中國

年

東國

已會

黃帝

已丁

已會之壬戌
星丁未辰之
二十四年丁
巳

少昊

未丁

顓頊

未辛

帝嚳

丑己

謹按舊譜則黃帝以後至王祖明祖明十
五世至王受
就受統十二世至王贊贊二十八世至王
廉廉十二世
至王蒙其間代數未詳載今按江南王
氏世總則年
代昭穆無一間漏昭然明白故一依王氏
世系校正焉

一世

二世

三世

四世

黃帝

少昊

橋玄

帝嚳

本姓公孫長

本姓姬名玄

居姬水故又

舊有爵土得

改姬氏生于

姓改齊攀生

軒轅之邱故

于青陽而國

因名軒轅國

於青陽故因

又有熊故號

姓青陽氏邑

有熊氏有土

于窮桑故亦

德之瑞故以

號窮桑氏以

土德王亦號

金德王故遂

黃帝有慶雲

捕金天氏能

之祥故以雲

修大昊之法

紀官而又為

故亦曰少昊

生而神靈自

言其各名後

發音爰嚳者

極也窮極道

德故號帝嚳

肇基於辛故

亦號高辛年

十五佐顓頊

受封于辛三

十代顓頊為

天子木德王

色尚赤居於